

Teima 22, 12-19 Maio 1977, p. 43

«Xornaleiro»

Nun cartel que unha librería galega tirou co gallo do «Día das Letras Galegas» adicado a Antón Villar Ponte lémo-la verba «xornaleiro» por xornalista ou periodista. Non sabemos se o autor do texto foi vítima dun «lapsus linguae» ou a cousa é, sinxelamente, produto da ignorancia lingüística. «Xornaleiro» é o home que traballa ó xornal (cousa que lle pasa tamén ó periodista, naturalmente). Xornalista é o portuguesismo que define a profesión do periodista, lusismo abertamente admitido xa no galego culto. O Villar Ponte-xornaleiro que anuncia o cartel en cuestión está a pedir a berros ese labor dos nosos lingüistas, gramáticos e profesores pró ensino e emprego axeitado e masivo do noso idioma. Boa data pra recordalo é o «Día das Letras galegas». ¿Pra cándo as institucións, os profesores preparados, as campañas de coñecemento e estudio do idioma, os textos, etc., do que tan necesitado anda o país e os paisanos? (Unha nota: quen estea libre de pecado que guinde a primeira pedra).